

又

爭名爭利苦忙忙不覺容衰兩鬢蒼貪為妻男身受苦怎知道
德事偏長願公速固精神氣學我勤修鉛汞霜功行積成真性
顯大家同共赴蓬莊

挈李大乘入環堵作

西北亭川環堵居此中堪可隱吾軀眼前碧竹數君子面對青
松二大夫流水假山兒戲爾清風明月汝知乎若能悟解予栽
九予於環堵栽
韭薤故寓焉有分靈光赴玉都

呈岐陽丹霞觀張正夫

披雲引鶴訪雙林抱箇無為霹靂琴花萼樓前逢益友昆明池
道藏輯要
洞玄金玉集
上
毛
胃集六
三三

畔遇知音三田珍寶明神室八脈嬰兒出錦衾手掌夜光珠一
顆不勞足力步瑤岑

贈李大乘兼呈淨公長老

環牆裏面最翛然道舍清虛占兩椽深愛筠生君子志可憐松
老夫賢八渠淥水成清醪五岳連峯聳碧蓮雖有儒生為益
友不成三教不團圓

贈涇陽張先生

六旬有四卦將休猛悟灰心離俗遊訪我投真歸正覺搜玄索
隱做持修頭分了鬢雲霞友手顯擎拳風月傳稽首更明珍重
理自然得去赴瀛洲